



Број/Број: **03/4-50-14-11,17/13**

Сарајево/Sarajevo, 8. 1. 2013.

U skladu s članom 50. Poslovnika Predstavničkog doma Parlamentarne skupštine Bosne i Hercegovine i članom 44. Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 33/06, 41/06, 81/06, 91/06 i 91/07), Zajednička komisija za evropske integracije Parlamentarne skupštine Bosne i Hercegovine, na 12. sjednici održanoj 15. 1. 2013. godine, usvojila je

IZVJEŠTAJ O RADU
Zajedničke komisije za evropske integracije
Parlamentarne skupštine Bosne i Hercegovine
za 2012. godinu

Uvodne napomene

Zajednička komisija za evropske integracije Parlamentarne skupštine BiH je stalno radno tijelo. Njena nadležnost regulirana je odredbama člana 57. Poslovnika Predstavničkog doma i člana 51. Poslovnika Doma naroda („Službeni glasnik BiH“, br. 33/06, 41/06, 81/06, 91/06 i 91/07).

Na 2. sjednici Predstavničkog doma Parlamentarne skupštine BiH, održanoj 29. 6. 2011., izabrani su članovi Komisije iz Predstavničkog doma: Vesna Krstović-Spremo, Lazar Prodanović, Nermin Purić, Emir Kabil, Šefik Džaferović i Nermina Zaimović-Uzunović, a na 2. sjednici Doma naroda Parlamentarne skupštine BiH, održanoj 29.06.2011., izabrani su članovi Komisije iz Doma naroda: Halid Genjac, Borjana Krišto, Ognjen Tadić, Stjepan Krešić, Mehmed Bradarić i Staša Košarac. Na osnovu ličnog zahtjeva Nermina Purića, Predstavnički dom Parlamentarne skupštine BiH, na 37. sjednici, održanoj 6. 12. 2012., donio je Odluku o razrješenju dužnosti člana Zajedničke komisije za evropske integracije.

Na konstituirajućoj sjednici Komisije, održanoj 7.7.2011., izabrano je rukovodstvo Komisije, i to: Halid Genjac, predsjedavajući, Vesna Krstović-Spremo, prva zamjenica predsjedavajućeg, i Borjana Krišto, druga zamjenica predsjedavajućeg.

Komisija je od konstituiranja radila na provođenju obaveza utvrđenih poslovnica, kao i obaveza koje su joj određene odlukama kolegija domova.

Sjednice Komisije u izvještajnom periodu

U izvještajnom periodu Zajednička komisija održala je šest sjednica, i to u sljedećim terminima:

1. 6. sjednica – 23.2.2012.
2. 7. sjednica – 3.5.2012.
3. 8. sjednica – 23.5.2012.
4. 9. sjednica – 26.9.2012.
5. 10. sjednica – 19.10.2012.
6. 11. sjednica – 25.11.2012.

Prosjek prisustva članova Zajedničke komisije sjednicama je 62,50%. Sjednice su u prosjeku trajale 102 minute. Sjednica zakazana za 19.11.2013. nije održana radi nedostatka kvoruma.

Aktivnosti na sjednicama Komisije praćene su zapisnički. Zapisnike sjednica vodi Ured sekretara Komisije prema usvojenim tačkama dnevnog reda po utvrđenoj proceduri i metodologiji. Zapisnik sa sjednice predlaže se na usvajanje na narednoj sjednici Komisije.

Interna organizacija i procedure

Prema planiranim aktivnostima domova iz nadležnosti Komisije, koje određuju kolegiji Predstavničkog doma i Doma naroda, predsjedavajući Komisije, u saradnji sa sekretarom, organizira i zakazuje sjednicu s prijedlogom dnevnog reda.

Kvorum za rad Komisije čini sedam njenih članova, od čega je najmanje polovina članova Komisije iz svakog doma.

Komisija odlučuje prostom većinom članova koji su prisutni i koji glasaju, uz uslov da ta većina obuhvata najmanje jednu trećinu članova svakog doma koji su prisutni i glasaju i jednog predstavnika iz konstitutivnih naroda, čiji je najmanje jedan predstavnik prisutan i glasa.

Rezultati glasanja, prijedlozi i zaključci koje Komisija usvoji zapisnički se konstatiraju za svaku tačku dnevnog reda.

Izvještaje koje Komisija podnosi domovima priprema sekretar Komisije u saradnji s predsjedavajućim, a prema potrebi, i sa ostalim članovima Komisije kada to nalažu određeni razlozi.

Zakonodavne aktivnosti

Zajedničkoj komisiji za evropske integracije u izvještajnom periodu nije dostavljen nijedan prijedlog zakona za koji je ona nadležna.

Aktivnosti vezane za razmatranje i usvajanje ostalih akata

Na šest sjednica Zajednička komisija za evropske integracije razmatrala je ukupno 46 tačaka dnevnog reda.

U skladu s poslovnica domova, Komisija je Kolegiju Predstavničkog doma i Kolegiju Doma naroda dostavila sljedeća mišljenja o:

1. Informaciji o uspostavljanju funkcija i struktura decentraliziranog sistema upravljanja (DIS) Instrumentom pretpristupne pomoći IPA;
2. Informaciji o procesu programiranja Instrumenta pretpristupne pomoći (IPA) – Komponenta I za Bosnu i Hercegovinu za 2012. i 2013. godinu;
3. Inicijativi poslanika Senada Šepića koja glasi: „*Predlažem da se, u što kraćem roku, najkasnije u aprilu 2012. godine, pripremi i održi posebna - tematska sjednica oba doma Parlamentarne skupštine BiH pod nazivom: Aktuelna pozicija Bosne i Hercegovine na evropskom putu - ispunjavanje obaveza iz Mape puta i napredak BiH u procesu evropskih integracija*“;
4. Izvještaju o provođenju mjera iz Akcionog plana za realizaciju prioriteta iz dokumenta Evropsko partnerstvo sa BiH 2008.-2012., izvjestiteljica: Maja Rimac – Bjelobrč, šefica Odsjeka za strategiju i planiranje.

Razmatrani su i usvojeni sljedeći dokumenti:

1. Izvještaj o radu Zajedničke komisije za evropske integracije za 2012. godinu i
2. Plan rada Zajedničke komisije za evropske integracije za 2013. godinu.

Ostale aktivnosti Komisije

- organiziranje i učešće na 14. interparlamentarnom sastanku Zajedničke komisije za evropske integracije s Delegacijom Evropskog parlamenta za odnose s Albanijom, Bosnom i Hercegovinom, Srbijom, Crnom Gorom i Kosovom u Sarajevu;
- organiziranje i učešće na sjednicama Foruma za parlamentarnu saradnju, kao stalnog tijela za saradnju Zajedničke komisije za evropske integracije PSBiH, Komisije za evropske integracije Predstavničkog doma FBiH i Odbora za evropske integracije i regionalnu saradnju Narodne Skupštine RS-a i održavanje dva sastanka Foruma;
- učešće na VI. konferencije parlamentarnih komisija za evropske integracije država obuhvaćenih procesom stabilizacije i pridruživanja Jugoistočne Evrope (COSAP), održane 8. 3. 2012., u Tirani;
- učešće na konferenciji u organizaciji Vanjskopolitičke inicijative o temi: „Monitoring procesa evropskih integracija BiH“;
- učešće na seminaru u organizaciji RCC-a o temi: „Izazovi u oblasti zaštite okoline“;
- učešće na seminarima koje je organizirao specijalni predstavnik Evropske unije u okviru trećeg ciklusa „Parlamenta za Evropu“;
- učešće na seminarima „Uvod u Lisabonski sporazum za članove i osoblje parlamenata BiH“ u organizaciji VPI BiH;
- učešće predsjedavajućeg Komisije na javnoj raspravi o temi „Novi instrumenti za pretpristupnu pomoć (IPA-II) u Briselu“;
- sastanak s članovima Grupe prijateljstva njemačkog Bundestaga;
- posebni sastanak „Parlamenta za Evropu“ članova komisija za evropske integracije državnog i entitetskih parlamenata s Pierrom Mirelom, Paolom Pampaloni i Renzom Daviddijem;
- sastanak s delegacijom irskog parlamenta;
- sastanak s delegacijom COWEB-a;
- sastanak Kolegija Parlamentarnog foruma;

- učešće na seminaru u organizaciji DEI-a o temi “Novi instrument pretpristupne pomoći za period 2014.-2020. godina (IPA)”;
- održani su sastanci sa Jiržijem Šnajderom, prvim zamjenikom ministra vanjskih poslova Republike Češke i državnim sekretarom za evropske poslove, Ulrikom Knotzem, ambasadorom Savezne Republike Njemačke, Laslom Kuverom, predsjednikom mađarskog parlamenta, Kieranom Dowlingom, ambasadorom Irske, i Raimondom de Kardonom, ambasadorom Republike Italije.

Saradnja s drugim institucijama i organizacijama

U izvještajnom periodu Zajednička komisija kontinuirano je saradivala s tijelima Vijeća ministara BiH, naročito s Direkcijom za evropske integracije BiH.

Održani su sastanci s predstavnicima DEI-a, kao stalnog partnera Zajedničke komisije za evropske integracije.

Zajednička komisija održava posebno intenzivno saraduje s predstavnicima međunarodnih organizacija u BiH, prije svega, Delegacije Evropske unije u BiH, OHR-a, OSCE-a, te ACIPS-a. Realizirana je i saradnja sa institucijama iz nevladinog sektora - Vanjskopolitičkom inicijativom, koja je organizirala nekoliko seminara za članove PSBiH, i Evropskim pokretom u BiH.

Rezime

Na osnovu navedenih aktivnosti u izvještajnom periodu, može se konstatirati da je Zajednička komisija realizirala postavljene zadatke. Naročito značajnim smatramo saradnju u okviru konstituiranja Forum za parlamentarnu saradnju, kao stalnog tijela Zajedničke komisije za evropske integracije PSBiH, Komisije za evropske integracije Predstavničkog doma FBiH i Odbora za evropske integracije i regionalnu saradnju Narodne skupštine RS-a, u okviru kojeg planiramo unaprijediti funkciju koordinacije svih institucija uključenih u proces integriranja na svim nivoima vlasti u Bosni i Hercegovini.

Zajednička komisija će u narednom periodu kontinuirano nastaviti raditi na realizaciji aktivnosti obuhvaćenih Planom rada.

Predsjedavajući Komisije

Halid Genjac